

情妖類

情史類略卷五



情史類畧卷二十一目錄

精妖類

潘姬

人妖

焦土婦人

以下異域

海王三

汝州村人女

野史

馬化

以下獸屬

猩猩

狸精

白面狐狸

猿精

凡二條

猴精

狐精

凡六條

虎精

馬精

猪精

凡二條

鼠狼

附鼠及守宮

鼠精

獺妖

凡二條

鴛鴦白鷗

以下羽

鳥怪

鷄精 凡二條

鷺怪

鱗精 以下鱗族

白蛇精

赤蛇精

長蛇

白魚怪

鼉精

以下介屬

鼈精

蝦怪

蜂異 以下昆蟲屬

蚱蜢

蟾蜍

蚯蚓

柳妖 以下草木屬

桂妖

白蓮花

菊異

芭蕉

火怪

以下無情之物

石妖

凡二條

泥孩 以下器物之屬

石獅

石砧杵

牛骨等物

琴瑟琵琶

琴精 二條

箸斛槩

箸帚精

生王二 以下無名怪

王上舍

孤山女妖

曹世榮

戴簪

龐女

鄭彥榮婢

郭長生

孟氏

常熟女

情史類畧卷二十一終

情史類畧卷二十一

情妖類

○潘姬

人妖

三原縣南有店曰張大夫店貞元末彭城劉頗自渭北入城止于店見一媼年可六十許衣黃紬大襖烏幘跨門而坐與左衛官李士廣語問廣何官廣具答之媼曰此四衛耳大好官廣曰何以知之媼曰吾姓孟年二十六嫁張營爲妻營爲人多力善騎射郭汾陽之總朔方營爲汾陽所任常在左右營死汾陽傷之吾貌酷類營遂僞衣丈夫衣冠投名爲營弟請事汾陽汾陽大喜令替闕如此又寡居十五年自汾陽之薨吾已年七十二軍中累奏兼御史大夫忽恩獎獨遂嫁此店潘老爲婦後誕二

子曰滔曰渠滔年五十有四渠年五十二矣計此媼蓋百餘歲人也

武嬰婦而帝老而淫亦人妖也已入情穢類矣吁嬰之雄畧百倍男子乃至求僅爲妖而不可得夫妖猶未穢也乎

○焦土婦人 以下異域

泉州僧本稱言其表兄爲海賈欲往三佛齊法當南行二日而東否則值焦土船必糜碎此人行時遇風迅船駛旣二日半意其當轉而東卽回舵然已無及遂落焦土一舟盡溺此人獨得一木浮水三日漂至一島畔度其必死捨水登岸行數十步得一小徑路甚光潔若常有人行者久之有婦人至舉體無簪纓言語啁哳不可解見外人甚喜攜手歸石室中至夜與其寢大

明舉大石室其外婦人獨出至日晡將歸必齋異果至味珍甚
皆世所無者留稍久始聽自便如是七八年生三子一日縱步
至海際適有舟抵岸亦泉人以風誤至者乃舊相識急登之婦
人奔走號呼戀戀度不可回卽歸取三子對此人裂殺之其鳥
甚大然但此一婦人耳

一島止此一婦人世間果有獨民國乎留三子用胡法可傳
種成部落裂殺何爲

○海王三

山陽有海王三者始其父賈于泉南舫巨浸爲風濤敗舟同載
數十人已溺王得一板自託任其簸蕩到一島嶼傷遂陟岬行
山間幽花異木珍禽怪獸多中土所未識而風氣和柔不類蠻

嶠所至空曠更無居人王憇于大木下莫知所届忽見一女子
至問曰汝是甚處人如何到此王以舟行遭溺告女曰然則隨
我去女容貌頗秀美髮長委地不梳掠語言可通曉舉體無絲
縷樸樸蔽形王不能測其爲人耶爲異物耶默念業已墮他境
一身無歸亦將畢命豺虎死可立待不若姑聽之乃從而下山
抵一洞深杳潔邃晃耀常如正晝蓋其所處但不設庖爨女留
與同居朝暮飼以果實戒使勿妄出王雖無衣食可換幸其地
不甚覺寒暑度歲餘生一子迨及周晬女採果未還王信步往
水涯適有客舟避風于岬隩認其人皆舊識也急入洞抱兒至
徑登舟女繼來度不可及呼王姓名罵之極口悲啼撲地氣絕
絕王從蓬底舉手謝之亦爲掩涕此舟已張帆乃得歸楚兒既

長楚人目爲海王三紹興間猶存

汝州村人女

野史

汝州徬縣有村人失女數歲忽自歸言初被物寐中牽去倏至一處及明乃在古塔中見美丈夫語曰我天人分合得汝爲妻自有年限勿生疑懼且戒其不覓外也日兩返下取食有時炙餌猶熱經年女伺其去竊窺之見其騰空如飛火髮藍膚磔磔耳如驢焉至地乃復人矣驚怖汗冷其物返覺曰爾固窺我我實野乂與爾有緣終不害汝女素慧謝曰旣爲君妻豈有惡乎君旣靈異何不居人間使我時見父母其物言我輩罪業或與人雜處則疫癘作今形迹已露任爾縱觀不久送爾歸也其塔去人居止甚近女常下視其物在空中不能化形至地方與人

混或有白衣塵中者其物歛手側避或見撮其頤唾其面者行人悉皆不見及歸女問之向見君樹中有敬之者有戲之者何也物笑曰世有喫牛肉者予得而欺之或遇忠直孝養釋道守戒律法籙者吾悞犯之當爲天戮又經年忽悲泣語女緣法已盡候風雨當送歸授一青石大如雞卵言至家可磨此服之能下毒氣後一夕風雷其物遽持女曰可去矣如釋氏言屈伸臂頃已至其家墜之庭中其母因磨石飲之下物如青泥斗許出段成式諾臯記

○馬化 以下獸屬

蜀中西南高山之上有物與猴相類長七尺能作人行善走逐人名曰猥國一名馬化或曰猥後伺道行婦女有美者輒盜取

將去人不得知。若有行人經過其傍，皆以長繩相引，猶故不免。此物能別男女氣臭，故取女男不取也。若取得人女，則爲家室。其無子者，終身不得還。十年之後，形皆類之，意亦迷惑，不復思歸。若有子者，輒抱送還其家。產子皆如人形，有不養者，其母輒死。故懼怕之，無敢不養及長，與人不異，皆以楊爲姓。故今蜀中西南多諸楊，率皆是獼國馬化之子孫也。出搜神記。

○猩猩

金陵商客富小二，泛海至大洋，遇暴風，舟溺，富生漂蕩，抵絕嶼，行數十步，滿目皆山巒，全無居室，饑困之甚，值一林，桃李纍纍，果實採食之，俄有披髮而人形者，援踵而至，遍身生毛，略以木葉自蔽，逢人皆喜，挾以歸，言語極啁哂，微可曉解，每日只噉生

果環島百千穴。悉一種類。雖在巖谷。亦秩秩有倫。各爲匹偶。不相雜揉。衆共擇一少艾女子。以配富旋生一男。富風聞諸船工。老人知爲猩猩。國生兒。全肖父。但微有長毫如毛。時慮富竄伏。纔出。輒運巨石窒其竇。或倩他人守視。旣誕此男。乃聽其自如。几三歲。因攜男獨縱步望林杪高桅。趨而下。得客舟求附行。許之。卽抱男以登。無來追者。遂得歸。男旣長大。父啓茶肆于市。使之主持。賦性極馴。傍人目之爲猩猩八郎。

○狸精

黃州市民李十六。開茶肆于觀風橋下。淳熙八年春夜。已屬戶。其僕崔三未寢。聞外人扣門。問爲誰。曰。我也。崔意爲主。乃啓。關。乃一少年女子。容質甚美。駭曰。娘子何自來此。是李家茶店。

豈非錯認乎。曰：我只是左側孫家新婦，因取怒阿姑，被逐出。終夜無所歸，願寄一宵。崔曰：我受傭于人，安敢自擅。女以死哀請，立不肯去。崔不得已，引至四角一隅，授以席，使之寢。久之，起就崔榻，密語曰：我不慣孤眠，汝有意否？崔喜出望外，卽留共宿。雞鳴而去。繼此時時一來，崔以人奴獲好婦，愜適所願，不復詢究本末。一夕，女曰：汝月得僱直，不過千錢，當不足給用。袖出官券十千與之。其後屢致薄助，崔又益喜。兄崔二者素習弋獵，常出遊他州，忽詣弟處相問訊，寄寓旬餘。女杳不至。崔思戀篤切，殆見夢寐，乃吐情實告兄。兄曰：此地多鬼魅，危害汝命，速爲之圖。崔曰：弟與之相從半年，且賴渠拯恤，義均伉儷，難誣以鬼也。兄曰：然則知我至，則絕跡何耶？崔曰：正以兄弟妨嫌，于禮不可。

兄曰彼每至從何處出入曰入自外門繇樓梯而下兄是晚捨去取獵具捲網數枚散布之抵暮伏于隱所三更後戛然有聲急篝火照視得一班狸長三尺死焉兄曰是物蓋惑吾弟者也剝其皮而烹其肉崔慘沮淒淚不能勝情異日獨處室中覺異香馥烈女已立燈下大罵曰我與汝恩義如此又數濟汝窘之何爲輕信狂兄之言幸我是時未離家僅殺我一婢壞衫子一領而已崔遜謝女笑曰固知非汝所爲吾不恨汝遂駐留如初至今猶在

○白面狐

陸興府樵舍鎮富人周生頗能捐貲財以歌酒自娛紹興四年六月有老父經過自言是王七公挾一女曰千一姐來展謁女

容色美麗善琴棋大字畫梅竹命之歌詞妙合音律周悅其色
藝語老者云我自有妻室能降意爲側室乎對曰女子年二十
二歲更無

許議酬以

縉老父曰本不較此得吾女有所歸足矣

呼牙僧立契卽留女而受券去明日告別女爲妾踰五年八月
有行客知道人狀過門言是家有怪氣吾當除之閤人以告周
遽出遺以百錢不受與之酒亦不飲問曰君家有若干人口無
論老少男女盡教來前爲相何人合貴周一門二十七口悉至
廳上道人熟視此女指訣吹氣喝曰速降俄雷火從袖出霹靂
震響烟氣蔽面頃之豁然千一姐化爲白面狐狸已仆地而隕
道人不見矣

○猿精凡二條

梁大同末遣平南將軍蘭欽南征至桂林破李師古陳徹別將
歐陽紇畧地至長樂悉平諸洞深入險阻紇妻纖白甚美其鄰
人曰將軍何爲挈麗人經此地有人善竊少女而美者尤所難
免宜謹護之紇甚疑懼夜勒兵環其廬匿婦密室中謹閉甚固
而以女奴十餘伺守之是夕陰雨晦黑至五更寂然無聞守者
怠而假寐忽有物驚寤者卽已失妻矣門扃如故莫知所出
出門山
悶不可尋逐迨明絕無其跡紇大憤痛誓不
徒還因
軍日往四遐卽深凌險以索之旣踰月忽于
百里之外叢篠上得其妻繡履一隻雖雨浸濡猶可辨識紇尤
悽悼求之益堅選壯士三十人持兵負糧巖栖野食又旬餘遠

所舍約二百里。南望一山，葱秀迴出。至其下，有深溪環之。乃編木以渡。絕巖翠竹之間，時見紅綵，聞笑語音。捫蘿引絙而陟其上，則嘉樹列植，間以名花。其下綠蕪豐軟如毯，清迴杳然殊境。有東向石門，婦人數十，被服鮮澤，嬉遊歌笑出入其中。見人皆謾視遲立，至則問曰：何因來此？紇具以對。相視歎曰：賢妻至此月餘矣。今病在牀，宜遣視之。入其門，以木爲屏，中寬闊，若堂者三四，壁設牀，悉施錦薦。其妻臥石榻上，重茵累席，珍食盈前。紇就視之，回眸一睇，卽疾揮手令去。諸婦人曰：我等與公之妻比來久者十年，此神物所居，力能殺人。雖百夫操兵，不能制也。幸其未返，速宜避之。但求美酒兩斛，食犬十頭，麻數十斤，當相與謀殺之。其來必以正午。後慎勿太早，以十日爲期，因促之去。紇